



Universitätsbibliothek Paderborn

**Libelli Cvivsdam Antverpiæ Nuper Editi Contra
Serenissimvm D. Ioannem ab Austria, Gubernatorem
generalem inferioris Germaniæ, qua parte conscientiæ, vt
vocant, libertas in eo requiritur, breuis & ...**

Lens, Jean de

Lovanii, 1578

Ad regni terreni firmitatem & prosperitatem, plurimum conferre verae
pietatis cultum.

urn:nbn:de:hbz:466:1-30345

81

Ad regni terreni firmitatem & pro-
speritatem, plurimum conferre
veræ pietatis cultum.

RE GNI terreni robur & fœ-
licitatem in eo sitam esse, vt
Regi prudenter imperanti,
populus concordia iunctus,
lubens obtemperet, facile
omnes qui bona mente præditi sunt, intel-
ligunt. Nam & regi populus obediens, vires
præbet ad obterendum hostem, & obedienti
populo rex prudens, ad consensionem, diu-
turnitatemque, tāquam vitales spiritus sub-
ministrat. Horum autem si quid desit, lan-
guere reipublicæ corpus, sensimque dif-
fluere, aut externa vi facile opprimi, necesse
est. Roboam filij Salomonis imprudentia,
quām potēs florensque Israelis regnum dis-
soluerit, nullus mediocriter doctus ignorat.
Repudiato enim consilio seniorum, qui
populum subesse paratū, moderatione qua-
dam & lenitate retinendum esse censebant, 3. Reg. 12
iuuenilem secutus impetū, seruitutis com-
minatione durioris, alium regem, secessio-
nemque meditari coëgit. Dissidijs verò stu-
dijsque partium aduersarum, Romani Im-
periij vires, toto orbe maximæ, nonne debi-

F litatæ

litatæ aliquando , & fractæ conciderunt . Decus illud amplissimi invictissimique imperij , grauioribus nunquam ærumnis labefactatum , cladibus nunquam funestioribus affectum atque attritum fuit , quam tum , cum bellis ciuilibus dissidentium partium , facta collisio est . Græcia quoque ipsa , nunquam vinci nisi à seipso potuit . Domesticis enim & diuisa discordijs , & infirmata bellis , non tam Philippi Mace- donum regis virtute , quam proprijs perculsa viribus afflitaque corruit . Neque id sane mirum , vt enim ædificij robur est , firmissima partium inter ipsas coniunctio , qua soluta , ni mature occurrit , impendere ruina solet : ita diu stabili esse & florens ægræ Respublica potest , cuius veluti compago animorum disiunctione soluat . Iam si obedientiam non ulro delata , cum præsertim nec debita sit , potentia dominantis extorqueat , scimus illud , malum diuturnitatis custodem , solere esse metum ; contraque benevolentiam , fidem esse vel ad perpetuitatem . Ideoque qui in libera ciuitate ita se instruant ut metuantur , his nihil esse posse demen- tius . Hoc igitur quod initio sumpsi , facile quis perspicit esse verissimum , Reipub- firmitatem & prosperitatem in eo con- stitutam

*Ecclesia in
Officijs.*

stitutam esse, si regi prudenter moderantur,
multitudo inter se congruens atque con-
sentiens non grauatum obtemperet. At non
perinde omnes intelligunt, disciplina mo-
rum cultusque pietatis, quantum ad regni
stabilitatem & terrenam etiam pacem ac
felicitatem afferat adiumenti. Quod eo fit,
quia hominem quidem unum regno præ-
esse vident omnes, Deum vero eidem mul-
to verius propriusque praesidere, summamq;
penes eum totius administrationis potesta-
tem esse, & non sciunt omnes, & qui sciunt
multi, haud satis pressa seriaque considera-
tione perpendunt: quod si facerent, illius
imprimis iram formidandam, & pietatis of-
ficijs gratiam conciliandam eius esse sci-
rent; quo protegente, nullus extimescen-
dus hostis: quo irato, nullius humana po-
tentia praesidio esse potest. Huic enim in
Psalmis dicitur: Ab increpatione tua Deus Psalms.75
Jacob, dormitauerunt omnes qui ascen-
derunt equos. Tu terribilis es, & quis re-
sistet tibi? ex tunc ira tua. De caelo au-
ditum fecisti iudicium, terra tremuit, &
quieuit. Ideoque de hoc colendo sub-
iungitur: Vouete, & reddite Domino Deo
vestro, omnes qui in circuitu eius affertis
munera. Terribili & ei qui aufert spiri-
tum principum, terribili apud reges terræ.

F 2 Israe

I. Reg. 12. Israeliticus quondam populus cum sub Iudicibus ageret, munitorem instructoremque se fore credebat, si reges, ceterarum gentium more, haberet: Sed quid à Samuele audiunt? Si timueritis Dominum, & seruieritis ei, & audieritis vocem ejus, & non exasperaueritis os Domini, eritis & vos & rex qui imperat vobis, sequentes Dominum Deum vestrum. Si autem non audieritis vocem Domini, sed exasperaueritis sermones eius, erit manus Domini super vos, & super patres vestros. Nihilne igitur præsidio rex erit? minimè, inquit, sed si perseueraueritis in malitia, & vos & rex vester pariter peribitis. Sensum rei huius aliquem & Gentiles habuerunt, qui eos, quos sibi opinionis errore, finixerant Deos, & placandos, si irati viderentur, & conciliandos, ut clementes fauerent, sacrificiis putauerunt. Quin & Demetrianum Cyprianus scribit iactare solitum, idcirco bellis regna pacemque turbari, & calamitatibus varijs hominum genus absumi, quod Gentium deos, Christiani non colerent. Sed in eum hoc ille retorquens: Non, inquit, sicut tua falsa querimonia & imperitia, veritatis ignara, iactat & clamitat, ista accident quod Dij vestri à nobis non colantur, sed quod à vobis non colatur Deus.

Nam

Nam cum ipse sit mundi Dominus , cognitor & rector , & cuncta arbitrio eius & nutu gerantur , nec quicquam fieri possit , nisi quod aut fecerit , aut fieri ipse permiserit , utique quando ea fiunt , quæ iram Dei indignantis ostendunt , non propter nos fiunt à quibus Deus colitur , sed delictis & meritis vestris irrogantur , à quibus Deus omnino nec queritur , nec timetur , nec relatis vanis superstitionibus religio vera cognoscitur . Accedit quod illa ipsa sine quibus rem pub . diu stare non posse docuimus , confirmet pietas atque augeat mirificè . Nam principes quidem ipsi tum demum ad prudenter imperandum erunt idonei , si & vera illos pietas Deo subiecerit , & vera virtus vitiis superiores effecerit . Tum demum ut iliter imperabunt , si quod ex Euangeliō Christianis præfectis dicitur , ad se censentur pertinere : Reges Gentium dominantur eorum ; & qui potestatem exercent , in Luce 22. eos benefici vocantur . Vos autem non sic : Sed qui maior est vestrum , fiat sicut ministrator . Qui videlicet nō ea præcipue quærat , quæ sibi sint priuatim commoda , sed quæ publicè sunt multis utilia : qui non alios arcte colat se opulenter , neque gloriam propriam , aliorum laborem faciat : qui non cum per molliciem ipse agat , duro subditos

F 3 pre-

premat seruitio : qui denique vt animus corpori , quod seruat ac fouet , non vt animus libidini , quam coerret ac frangit , sibi subiectis hominibus imperet ? In iubitis autem obedientiam vera pietas fidelem & maximam efficit . Qui enim verè pij sunt ,

Rom. 13.

non ignorant illud : Omnem animam potestatis sublimioribus subditam esse oportere , non tantum propter iram , sed etiam propter conscientiam . Non illud ne-

Proverb. 8. sciunt à Sapientia dici : Per me reges reg-

nant , & legum conditores iusta decernunt . Itaque nō Dei modo , sed principum etiam leges , non pœnarum metu , sed obediendi studio , non vt illis intuentibus placeant , quod est ad oculum seruire , sed ne Deo dis-

pliceant , quemadmodum Apostolica præcepta requirunt , promptè atque alacriter obseruabunt . Et qui magis regum sceptra

venerabuntur , quam ij qui reges vt Dei ministros audiunt , diuinamq; in illis quodammodo suspiciunt potestatem ? Hoc enim ex doctrina Apostolica didicerunt , non esse

potestatem nisi à Deo , & qui potestati resistat , diuinæ ordinationi resistere : huic autem qui repugnet , certam sibi accersere damnationem . Postremò concordiam coniunctionemque animorum peculiariter alit fouetque pietas . Pacem cum omnibus ,

quantum

Eph. 6.

Proverb. 8.

Rom. 12.

quantum in ipsa situm est, habere gestit, offensiones cauet studiose, & cum offendis in gratiam redire festinat. In id tota incumbit, vt fiat quod monet Apostolus: Id ipsum dicatis omnes, & non sint in vobis schismata. Hoc ut sit, quod idem ait, omnibus modis emititur: Solliciti seruare unitatem spiritus in vinculo pacis. Vnum corpus & unus spiritus, sicut vocati estis in una spe vocationis vestrae. Unus Dominus, una fides, unum baptismum. Ergo & inter se homines, & Deo regique suo, pietas firmissime iungit. Porro cum verissime scripserit quidam: Imperium facile his artibus retineri, quibus initio partum est. Verum ubi pro labore desidia, pro continentia & aequitate libido & superbia inuasere, fortunam simul cum moribus immutari: Quae res illas verius artes parit quam pietas? Ambitionem enim dissidiorum procreatrixem pietas extermint. Avaritiam, beluam illam famam, immanem, intolerandam, omni vigilancia exturbat; libidinum atque induluiei corruptelas, quibus nihil unquam satis, execratur; desidiam, quae nunquam periculo caruit, strenue fugat. In iudiciis colit aequitatem, in contratribus sinceritatem, in promissis fidem.

Salustius.

F. 4 Probē

Probè illud tenet quod Sapiens dicit : Ju.
 Prover. 14 stitia eleuat gentem , miseris autem facit
 populos , peccatum . Quid verò hæresis
 semper inimica pietati ? quid ? nisi contra-
 ria omnia ? Principes sacrilegis furoribus
 exagitat : profusis temerè propriis , aliena-
 rum opum inuasores facit : populum pro-
 teruum & inobedientem reddit : potesta-
 tem superiorem , dominationemque con-
 temnit : Scindit Reipub. communitatem ,
 variasque in partes , Religionum aduersita-
 te , dilacerat : Soluit morum disciplinam ,
 falsa conscientiæ libertate : Sacrificium tol-
 lit , ne placari Deus possit . His studiis Re-
 pub. euersa , nihil aliud quam confusio-
 nem rerum perturbationemque relinquit .
 Quamobrem hanc detestari , illam colere ,
 & à perditorum iniuriis vindicare , pro se
 quisque omnes debent , si firmam , si flo-
 rentem , si omnino aliquam esse Rempub.
velint.

*In epistola
Iude.*

Non